

आकाशवाणी

पैहले खास-खास खबरां:-

- भारतीय अंतरिक्ष अनुसंधान संगठन नै हुनै-हुनै अमरीका दे ब्लू बर्ड ब्लॉक -2 संचार उपग्रह दा कामयाब प्रक्षेपण कीता ऐ।
- भारतीय रिजर्व बैंक नै बैंकिंग प्रणाली च नकदी दी कमी गी दूर करने लेई नमें उपाएं दी घोषणा कीती ऐ।
- दिल्ली एन.सी.आर च प्रदूषण पर रोक लाने लेई वायु गुणवत्ता प्रबंधन आयोग नै बिजली सयंत्रों गी “कारण दस्सो” नोटस जारी कीता ऐ।
- अमरीका नै एच-1 बी. वीजा ताल प्रक्रिया च बड्डे बदलाव करदे होई- वीजे लेई ताल च पैहले आहली लाटरी सिस्टम गी खत्म करी दिता ऐ।
- खेड्डु प्रतिभाएं गी तलाशने ते खेड्डु ढांचे गी होर निगार बनाने लेई खेड्डु मंत्रालय नै इक व्यापक इंटरनशीप नीति तयार कीती ऐ।
- श्रीलंका कन्नै 5 टी-20 मैचे दी श्रंखला दे दुए मैच च कल भारत नै महमान टीम गी 7 विकेटें कन्नै रहाया।

<><><><><><>

ISRO

भारतीय अंतरिक्ष अनुसंधान संगठन इसरो नै अज्ज बड्डुलै ब्लूबर्ड ब्लॉक-2 संचार उपग्रह दा कामयाब प्रक्षेपण कीता ऐ। हुनै कोला किश चिर पैहले 8 बज्जियै 54 मिन्टें पर ए प्रक्षेपण श्री हरिकोटा दे सतीष धवन अंतरिक्ष केन्द्र थमां कीता गया। इस मिशन च भारत दे सब्बनें शा ताकतवर प्रक्षेपणयान एल.वी.एम दा इस्तेमाल कीता गया। ब्लूबर्ड ब्लॉक -2 उपग्रह गी अमरीका दे ए.एस.टी स्पेस मोबाईल नै तयार कीते दा ऐ ते इसी अंतरिक्ष च सिद्धे मोबाईल ब्रॉडबैंड कनेक्टिविटी प्रदान करने दे उद्देश्य कन्नै तयार कीता गेदा ऐ।

<><><><><><>

Prez. Vigyan Puraskar

राष्ट्रपति द्रौपदी मुर्मू होरें कल राष्ट्रपति भवन च आयोजित इक समारोह च राष्ट्री विसन पुरस्कार-2025 भेंट कीते। एह पुरस्कार विज्ञान, प्रौद्योगिकी ते नवाचार दे क्षेत्र च टकोहदा योगदान लेई सभनें शा बड्डा सम्मान ऐ। पदम विभूषण प्रो. जयंत विष्णु

नारलिकर होरें गी मरणोपरांत विज्ञान रत्न पुरस्कार कन्नै सम्मानित कीता गेआ। उन्दे अलावा 8 वैज्ञानिकें गी विज्ञान श्री ते 14 युवा वैज्ञानिकें गी विज्ञान युवा श्रेणी तैहत सम्मानित कीता गेआ जिस्लै के विज्ञान च टीम पुरस्कार अरोमा मिशन सी.ए.आई.आर गी दिता गेआ ऐ।

<><><><><><>

VP-AI

उपराष्ट्रपति सी.पी राधाकृष्णन होरें आखेआ जे ए.आई स्कूलें ते कालजें दे पाठ्यक्रम दा इक महत्वपूर्ण हिस्सा होना लोड़चदा ऐ। उपराष्ट्रपति होरें एह गल्ल नमीं दिल्ली च आयोजित ए.आई विकास उप्पर राश्ट्री सम्मेलन ए.आई महाकुम्भ गी संबोधित करदे होई आखी। उनें गलाया जे 2047 तगर आत्मनिर्भर, समावेशी ते तकनीकी रूप शा सशक्त विकसित भारत दी दिशा च ए.आई दी महत्वपूर्ण भूमिका ऐ।

<><><><><><>

HM Panchkula

गृहमंत्री अमित शाह अज्ज पंचकुला दा दौरा करगन- जेदे मद्देनजर पंचकुला च सुरक्षा दी व्यापक बवस्था कीती गेदी ऐ। गृहमंत्री होर सहकारी खेतर सरबन्धी इक सम्मेलन- हरियाणा पुलिस दी पासिंग आउट परेड ते साबका प्रधानमंत्री अटल बिहारी वाजपेयी हुंदी प्रतिमा परां परदा गोआंड़ने सनें केंइयें अधिकारिक समारोहें च हिस्सा लैगन। एह दौरा पंचकुला दे सैक्टर-5 च स्थित इंद्रधनुष सभागार च वीर बाल दिवस दे मौके पर हरियाणा सरकार आसेया आयोजित राज्य स्तर दे कार्यक्रमै च शाह हुंदी भागीदारी कन्नै सम्पन्न होग।

<><><><><><>

New Airlines

सिविल हवाबाजी मैहकमे दे मंत्री राम मोहन नायडू होरें दस्सेया ऐ जे पिच्छले इक हफ्ते दौरान उनें नमीं एयर लाईन कम्पनियें जिंदे च शंख एयर अल-हिंद-एयर फ्लाई एक्सप्रेस दियें टीमें कन्नै केंई बैठकां लाइयां न। सोशल मीडिया दी पोस्ट च मंत्री होरें दस्सेया जे इनें एयर लाईन कम्पनियें पैहले गै मंत्रालय थमां NOC हासल करी लैती दी ऐ। श्री नायडू होरें इब्बी आखेया ऐ जे मंत्रालय प्रधानमंत्री नरेन्द्र मोदी हुंदी नीतियें दे तैहत भारत दे हवाबाजी खेतर च होर मती एयर कम्पनियें गी जोड़ने दी दिशा च सक्रियता कन्नै जतन करा रदा ऐ।

<><><><><><>

RBI- Liquidity

भारतीय रिजर्व बैंक आर.बी.आई नै बैंकिंग प्रणाली च नकदी दी कमी गी दूर करने लेई नमें उपाएं दी घोषणा कीती ऐ। आर.बी.आई नै औंदे हफ्तें च खुले बजार परिचालन ओ.एम.ओ. ते विदेशी मुद्रा स्वैप राए लगभग 3 लक्ख करोड़ रपे उपलब्ध कराने दी योजना तयार कीती ऐ। एहदे तैहत भारतीय रिजर्व बैंक ओ.एम.ओ. राएं 2 लक्ख करोड़ रपे दी सरकारी सिक्यूरिटी यानी प्रतिभूति खरीदग। एहदे इलावा आर.बी.आई 10 अरब डालर दी डालर जां रपे च खरीद बिक्री स्वैप करोग जेहदे नै बैंकिंग बवस्था च नकदी च बादा होग।

<><><><><><>

WB SIR Hearings

पच्छिम बंगाल च मतदाता सूचियें दी नमें सिरेया नजरसानी आहले विशेष अभियान SIR दी शनिवारें शुरू होआरदे पैहले गेड़ दी सुनवाई दौरान चुने गेदे लगभग 32 लक्ख मतदाताएं गी सद्देया जाग। राज्य दे मुख् चुनां अफसर हुंंदे दफ्तरै दे अधिकारियें जानकारी दिती ऐ जे इस गेड़ दौरान कुल 31 लक्ख 68 जहार 424 ऐसे मतदाताएं दी पंछान कीती गेदी ऐ- जिनेंगी सुनवाई लेई सद्देया जाना ऐ। चुनां दफ्तर दी जानकारी मुजब 2002 दी मतदाता सूचि च जेहड़े मतदाता अपने नां दा मेल अपने परोआर दे जीएं कत्रै नैई करी सके- उस श्रेणी दे ऐसे मतदाताएं दी सुनवाई 27 दिसम्बर गी शुरू होग। उंनं आखेया जे एह कारवाई जिला मैजिस्ट्रेट दफ्तरें- एस.डी.एम. दफ्तरें- बक्ख- बक्ख सरकारी दफ्तरें ते स्कूलें कालजें वगैरा च बी कराई जाहग।

<><><><><><>

CAQM -Show Cause Notice

राष्ट्रीय राजधानी दिल्ली एन.सी.आर क्षेत्र च प्रदूषण पर रोक लाने लेई वायु गुणवत्ता प्रबंधन आयोग नै दिल्ली कोला 300 किलोमीटर दे दायरे च स्थित 6 थर्मल बिजली संयंत्रें गी “कारण दस्सो” नोटिस जारी कीते न। एह नोटिस बायोमास को-फाइरिंग सरबन्धी मानदंडे नियमें दी पालमा नैई करने दे चलदे जारी कीते गेन। इस नियम मुजब थर्मल बिजली संयंत्र गी फसलें दी रैंद-खैंद दा इस्तेमाल करना जरूरी रखेया गेदा ऐ।

<><><><><><>

US H-1B Work Visa

अमरीका नै H-1 वीजा ताल प्रक्रिया च बड़े मते बदलावें दी घोषणा कीती ऐ। एहदे तैहत हून लाटरी सिस्टम दी थाहर उच्च कौशल ते उच्च वेतन आहले विदेशी श्रमकें गी तरजीह दिती जाहग। अमरीकी गृहविभाग मुजब- इसदा मकसद अमरीकी श्रमकें दियें तनाखाई- कम्मकाज दियें परिस्थितियें ते रोजगार दे मौके दी सुरक्षा करना ऐ।

<><><><><><>

President

राष्ट्रपति द्रौपदी मुर्मू होरें आखेआ जे खुफिया ब्यूरो देशवासियें गी सुरक्षा प्रदान करने ते राष्ट्र दी एकता ते अखंडता गी यकीनी बनाने च शानदार भूमिका निभा ' रदा ऐ। कल नमीं दिल्ली च खुफिया ब्यूरो आई.बी दे 38में शताब्दी Endowment Lecture गी संबोधित करदे होई राष्ट्रपति होरें आखेआ जे पिछले इक दशक च खुफिया ब्यूरो जनेई सुरक्षा एजेंसियें देश दे अंदरूनी खतरें गी बेअसर कीता ऐ। उनें गलाया जे आई.बी अदृश्य नायकें गी एजेंसी ऐ- जेहड़ी देसै दी सुरक्षा ते हर इक नागरिक दी सलामती जकीनी बनाने च मता महत्वै आहला रोल अदा करदी ऐ।

<><><><><><>

Prez Vinod Shukla

राष्ट्रपति द्रौपदी मुर्मू होरें मन्त्रे-परमन्त्रे दे साहित्यकार जे ज्ञानपीठ अवार्ड कन्नै सम्मानित विनोद कुमार शुक्ला हुंदी मौती पर गैहरा दुख प्रगट कीता ऐ। अपने इक सोशल मीडिया पोस्ट च राष्ट्रपति होरें आखेया जे उन्दा नेई रौहना साहित्य जगत गी पुज्जे दा इक ऐसा नुक्सान ऐ- जिसी कदे पुरेया नेई जाई सकदा। शुक्ला हुंदा कल 88 बरे दी उम्री च काल होई गया हा।

<><><><><><>

Sports Internship Policy

युवा सेवाएं ते खेडुं सरबन्धी मंत्रालय नै देशै च खेडु ढांचे गी तगड़ा बनाने ते युवा हुनर गी तराशने लेई बड्डे स्तर उप्पर इक मंच स्थापित करने दे मकसद कन्नै इक व्यापक इंटरनशीप नीति शुरू कीती ऐ। मंत्रालय नै आखेया ऐ जे इस पैहलकदमी कन्नै कालज ते युनिवर्सिटी दे विद्यार्थियें गी इंटरनशीप दे बढिया मौके हासल होगन ते उनेंगी खेडुं सरबन्धी तंत्र- प्रशासनिक कम्में ते होरनें पेशें च महारत हासल करने दा मौका बी थोग।

<><><><><><>

Women's Cricket

महिलायें दे क्रिकेट च जंदी रातीं विशाखापटन च 5 टी-20 मैचें दी श्रृंखला दे दूए मैच च भारत नै श्रीलंका गी 7 विकटें कन्नै हराई दिता। श्रीलंका आसेया दिते गेदे 129 लक्ष्य दा पिच्छा करदे होई भारत नै छड़े 11एं ओवरें ते 5 गेंदें च 69 रन्जें दी नाबाद पारी खेडुी।

<><><><><><>

Chess

ते हून शतरंज भारती ग्रैंड मास्टर आर. पञ्जना नांदा ते अनीश गिरी दी एलपाइन एस.जी. पाइयर्स नै ग्लोबल चैस्स लीग 2025 दे त्रीए सीजन दा खताब जिती लैता ऐ। उःनें मजूदा चैम्पियन त्रिवेणी कान्टीनेटल किम्स गी कल मुम्बई च खेड्डे गेदे इक फाइनल मकाबले च 4-2 कन्नै ते दुए मकाबले च 4 इशारिया 5 दे मकाबले च इक इशारिया 5 कन्नै रहाया।

<><><><><><>

Srilanka-Pakage

भारत चक्रवाती तूफान दिक्वाह सवां प्रभावित श्रीलंका गी साड्डे चार सौ मिलियन डालर दा पुनर्निमाण पैकेज उपलब्ध कराए। विदेश मंत्री डॉ. एस जयशंकर होरें कल श्रीलंका दे सेहत मंत्री नलिंदा जय, श्रम ते उपवित्त मंत्री अनिल जयंत ते उप सैलसफा मंत्री रूवान रणसिंघे हुंदी मजूदगी च उत्थूं दे विदेश मंत्री विजिता हेरथ हुं'दे कन्नै मलाटी कीती। उनें इस मौके पर तूफान प्रभावित इस गोआंडी मुख्य गी पुनर्निमाण ते राहत कम्में च भारत दे पूरे समर्थन दा पूरा भरोसा दोआया गया।

<><><><><><>